

В среду светлая седмица вечера

На Господи возвах поем стихиры на 6, гл. 5:

Господи возвах к Тебе услыши мя/ услыши мя,
Господи,/ Господи возвах к Тебе услыши мя/ вонми гласу
моления моего,/ вегда воззвати ми к Тебе// услыши мя,
Господи.

Да исправится молитва моя/ яко кадило пред Тобою,/
воздеяние руку мою,/ жертва вечерняя// услыши мя,
Господи.

**стих: Аще беззакония назириши, Господи, Господи, кто
постоит; / яко у Тебе очищение есть.**



Честным Твоим Крестом, Христе, / диавола посрамил
еси, / и Воскресением Твоим жало греховное притупил
еси, / и спасл еси ны от врат смертных: // славим Тя,
Единородне.

**стих: Имене ради Твоего потерпех Тя, Господи,
потерпе душа моя в слово Твое, / упова душа моя на
Господа.**



Воскресение даяй роду человеческому, / яко овча на закление ведесе, / устрашишася сего князи адстии, / и взяшася врата плачевная. / Вниде бо Царь славы Христос, / глаголя сущим во узах, изыдите: // и сущим во тьме, открыйтеся.

стих: От стражи утренния до ночи, от стражи утренния, / да уповаает Израиль на Господа.




Велие чудо, / невидимых Содетель, / за человеколюбие плотию пострадав, / воскресе Безсмертный. / Приидите отечествия язык, / Тому поклонимся: / благоутробием бо Его от прелести избавльшеся, // в Трех Ипостасех Единого Бога пети навыкохом.

Стих: яко у Господа милость и многое у Него избавление / и Той избавит Израиля от всех беззаконий его



Вечернее поклонение / приносим Тебе, Невечернему Свету, на конец веков, / яко в зеркале плотию возсиявшему мірови, / и даже до ада низшедшему, / и тамо сущую тьму разрушившему, / и свет Воскресения языком показавшему: // Светодавче Господи, слава Тебе.

Стих: Хвалите Господа вси языцы/ похвалите Его вси людие.



Начальника спасения нашего, Христа славословим: / Тому бо из мертвых воскресшу, / мир от прелести спасен бысть. / Радуется лик Ангельский, / бегают демонов прелесть, // Адам падый воста, диавол упразднися.

Стих: Яко утвердися милость Его на нас/ и истина Господня пребывает во век.



Иже от кустодии научени бываху от беззаконник, / покройте Христово Востание, / и примите сребреники, и рцыте / яко нам спящим, из гроба украден бысть Мертвый. / Кто виде, кто слыша, мертва украдена когда, / паче же помазана и нага, / оставльша и во гробе погребальная Своя? / Не прельщайтесь иудее, / навикните речением пророческим, и уразумейте, //яко Той есть воистинну Избавитель мира, и Всесильный.

Слава гл. тойже:



Господи, ад пленивый, / и смерть поправый, Спасе наш, // просветивый мир Крестом честным, помилуй нас.

И ныне, Богородичен:



В Чермнем мори, / Неискусобращныя Невесты образ написася иногда: / тамо Моисей, разделитель воды: / zde же Гавриил, служитель чудесе. / Тогда глубину шествова немокренно Израиль; / ныне же Христа роди безсеменно Дева. / Море по прошествии Израилеве пребысть непроходно; / Непорочная по Рождестве Эммануилеве пребысть Нетленна. / Сый, и прежде Сый, / явлейся, яко Человек, // Боже помилуй нас.

Свете тихий...

Прокимен великий гл. 7:

Внуши, Боже, молитву мою, / и не презри моления моего.

Глас 7:

Вну - ши, Бо - же, мо - лит - ву мо - ю,
и не пре - зри мо - ле - ни - я мо - е - го.

Стиховны: *гл. 5:*

Тебе, Воплощенного Спаса Христа, / и Небес
неразлучившася, / во гласех пений величаем, / яко Крест и
смерть приял еси за род наш, / яко Человеколюбец
Господь, / испровергий адова врата, / тридневно воскресл
еси, // спасая души наша.

Таже, стихиры Пасхи:

На хвалитех: гл. 5:

Всякое дыхание да хвалит Господа, / хвалите Господа с
Небес, / хвалите Его в вышних, // Тебе подобает песнь Богу.

Хвалите Его вси Ангели Его, / хвалите Его вся Силы Его, //
Тебе подобает песнь Богу.

**стих: Хвалите Его на силах Его, / хвалите Его по
множеству величества Его.**

хвалите Е-го по мно-же-ству ве-ли-че-стви-я Е-го.

Господи, запечатану гробу от беззаконников, / прошел еси из гроба, / якоже родился еси от Богородицы: / не уразумеша, како воплотился еси, безплотнии Твои ангели: / не чувствовала, когда воскресл еси, стрегущии Тя воины. / Обоя бо запечатлестася испытующим, / явишася же чудеса кланяющимся верою таинству: / еже воспевающим, // воздаждь нам радость и велию милость.

Таже, стихирь Пасхи:

На литургии прокимен гл. 3:

Пойте Богу нашему, пойте, / пойте Царевинашему, пойте.

Глас 3:

Пойте Богу нашему, пой - те, пой - те Ца - ре - ви на - ше - му, пой - те.